


OMAMONIKO A

WILLIAM BRANHAM

 Okateipa aka oka ningilwa Ouhamba waKalunga, ngaashi handi ka yandje kuMumwatate Lee Vayle ka shangwe. Mumwatate Vayle okwa pula nge, apa moipafi yaMumwatate Mercier, ndi—ndi yandje amwe omomamoniko onale. Oshili, omamoniko okwa li ngaha...nda...shote... Shimwe shomoinima yotete handi dimbuluka, omamoniko, tae uya. Omamoniko ohae uya efimbo alishe. Ashike konima yelidilululo lange ohandi lipula oo wa hala, Mumwatate Vayle.

² Iya, ohandi dimbuluka, konima nda nangekwa mongeleka, ongeleka yObaptiste, kuNdokotola Roy Davis, apa pEpandavanda loWatt moJeffersonville, opo pa li ongeleka pefimbo olo. Ohandi dimbuluka emoniko limwe lelikalekelwa, kashi fi oivike ishona konima ye...kombinga yo...ohandi ti, omafiku mashona konima yenangeko lange. Onda li...nda mona emoniko lomulumenhu omukulupe ou a li a nangala moshipangelo, a li a tyanghaulwa. Okwa li omulumenhu omulaule. Ndele okwa veluka pokafimbo opo, fiyo, sha etifa engwangwano lihapu. Ndele ta yambuka mo mombete ndele ta i.

³ Momafiku avali, hanga omafiku avali, konima yasho, okwa li handi tete ko omalongelokalunga, omalongelokalunga i naa futwa moNew Albany, omeva, noshimoko, no—nomavalulo olusheno. Ndele osha...onda yadifwa nehafo unene! Efimbo keshe handi hange eumbo likulu, ohandi i mo noku ilikana, ou weteko, apa iha pa diwa.

⁴ Nohandi dimbuluka handi lombwele Omufimanekwa Johnny Potts, ou e nomwenyo nena. Oku li popepi, ndi wete, nomilongoheyali ile omido omilongohetatu. Okwa li omuleshi mukulu weevili domeva. Ndele ove mu kufa ko koku lesha eevili domeva paife, noku mu tula poshitaafula, a yakule omangongoto naikwao, eshi to piti momuvelo, neengodi tadi dengwa. Ndele okwa li handi mu lombwele eshi Omwene a ulikila nge. Ndele okwa kala, lumwe moule wefimbo, ta kufa ko eevili dishona odo da shekunwa kwaava vakeshe fiku. Ndele mwaashi, okwa—okwa li ta popi, omunhu... .

⁵ Osho, nda mona moshifokundaneki, eshi kwa li ve na etemba likulu... Momafiku enya, haashingwa keenghambe mbali, vo tava kufa po oimbodi nomandoloma oimbodi, momikala. Opa li omulumenhu omulaule wedina Omufimanekwa Edward J. Merrell. Oha kala ko 1020 mEpandavanda Clark moNew Albany.

Ndele ta ngwadjulwa kovatilyane vavali, ovo va li okakadona okatilyane no—nomumati, va londa motuwa. Ndele ta nyengwa kotuwa, tai mu tyanghaulile kokaulu ketemba. Ndele tai teyaula omakipa aeshe molutu laye, konyala, tava nyanghuala oshitopolwa shonhulo yaye, nai. Tai pungulula ombuda yaye ponhele. Ndele tave mu twala koshipangelo, a valukwa nai.

⁶ Ndele Omufimanekwa Potts, ta piti mo—moshipangelo mwinya moNew Albany, ame nda hangika nde mu lombwela kombinga yOmwene ta longo naame. Ndele ta tumu nge ndi ye ko, ndi mu ilikanene. Ndele divadiva, onde lipula, “Oye omulumenhu ou nda mona memoniko eli.”

⁷ Onghee, onda—onda li nda tila kshona oku ya ko, molwaashi ola li la aa ange otete, ou wete, oku ya ngaho. Onghee, ashike, nande ongaho, onda ya noku kufa kaume kange, ou e lidilulula, okamatyona kOkafransa kedina George DeArk. Opo nde mu wilikile kuKristus. Ndele hatu i ko. Onda ti, “Paife, Mumwatate George, onda—onda—onda hala u dimbuluke. Oinima ei hai ningilwa nge, nghi i udite ko. Ndele nee, dimbuluka, omulumenhu ou ota ka veluka. Ndele ngeenge a veluka, ope na . . . Itandi mu ilikanene fiyo ovatilyane vavali ve uya tava fikama pomunghulo wombete, molwaashi ondi noku shi ninga omukalo nde shi ulikilwa.”

⁸ Onda ya ko—koshipangelo handi pula Omufimanekwa Merrell. Onda ya ko, ndele omwalikadi waye ta lombwela nge kutya okwa li tavele unene. Ita dulu oku linyenga molwaashi kutya eminikilo ola ulika kutya amwe omomakipa aa okwa li e li popepi nepunga. Ndele nge okwe linyenge, oshike, otashi dulika, a twe omapunga aye ndele ohonde tai mu dipaa. Ndele okwa li a valukwa unene. Ndele okwa li ta shisha ohonde tai dilile momunino waye, nosho tuu, molwaashi okwa li ta shisha ohonde kokanya. Okwa kala a nangala po omafiku avali. Ndele omulumenhu okwa li, pefimbo opo, lwopomido omilongohamano nanhano, ndi wete, omilongohamano ile omilongohamano nanhano. Omulumenhu omukulupe; eendjedi daye, dile, oda ninga ditoka. Neexwiki daye oda li dimbudu.

⁹ Onda ya mo noku lombwela omulumenhu ou, nande ongaho, emoniko olo nda mona la dja kOmwene. Ndele ovanyasha ove uya mo, ovo ve mu ngwadjula. Ndele handi tu eengolo ndi mu ilikanene. Ndele ohaluka, omulumenhu ou okwa ingida, ta ti, “Onda veluka,” noku nuka. Omwalikadi waye, ta kendabala oku mu shuna, mombete. Ndele umwe womovapangi te uya mo, ta kendabala oku mu kwatela mombete. Okwa nuka mo mombete, sha ninga enyaku lihapu. Ndele eshi nda ya ko . . . handi lombwele Mumwatate George . . .

¹⁰ Opo nee umwe womovakalele, osha li oshipangelo shaKatoolika, okwe uya mo ndele ta ti nandi dje mo, eshi sha shanyakula omulumenhu ou. Shaashi, oku na oshidu, hanga

efele nanhe. Noshinima shikumwifwi, eshi ve mu shuna mo; o—omupristeli, onhele, navamwe vomeendokotola ove mu tula mo, ve mu shuna mombete, molwaashi okwa li ta djala oikutu yaye. Ndele eshi ve mu kufa oupyu, ke na oupyu.

¹¹ Paife, ope na ovanhu vahapu oko ve li nena, ava va mona emoniko, ve li mona tali ningwa, ile ve shi shii.

¹² Onda ya noku fikama peendodo, ndele handi ti kuMumwatate George, “Paife, tala. Ota ka djala ombaikifa indjibi nembale lodjeke. Ota ende peendodo edi, momminute dishona.” Ndele osho a ninga lela. Okwa dja mo ta ende.

¹³ Ndele hanga o—o—oufiku konima yasho, Omwene okwa holokela nge vali, ongula imwe, hanga eluwa tali tenge, ndele ta ulikile nge omukainhu oshingudu sha lemana, osho tashi ka velulwa. Onghee onda ti, “Iya, ohandi—ohandi tale nge handi mono apa e li.”

¹⁴ Nonghee onda ya handi patulula omeva, handi twikile, ndi wete osha li, mEpandavanda Etihetatu moNew Albany. Nonda li ndi na. . . Osha li eumbo lalondafana pombada, nonda li nda tila handi keyauka. Ombinga imwe, ovanhu ova tembuka mo; nombinga ikwao, ovanhu omo ve li. Onghee onda ya kombinga oyo i na o—ovanhu, ve li mo. Onda konghola pomuvelo. Ndele omwa li o—o—eehepele dongaho. Ndele a ka kawa, okakadona okanyasha oke uya pomuvelo, ka djala omidjalo doufyoona. Ndele ta ka—ka ti, “Owa hala shike?”

Onda ti, “Iho kendabala omeva, u tale nge okwa pata?”

¹⁵ Ndele taka ti, “Ehewa, omufimanekwa.” Ndele taka i. Oka ti, “Ahawe. Omeva okwa patuluka natango.”

Onda ti, “Tangi.”

¹⁶ Ndele ina yako, a nangala mombete, edina laye ola li Omufimanekwa Mary Der Ohanian. Ndele okwa li Omuarmania. Omumati waye okwa omudani hakelele, ndi wete osho sha li, moNew Albany etang- . . . , uh, mongudu yetanga lokeemhadi. Ndele ye, omonakadona waye, okwa li mifikola yopombada. Edina laye ola li Dorothy. Okwa ti. . . Dorothy ta popi naame, “Haave omulumenhu ou waKalunga ou a velula apa moshipangelo, efiku linya? Meme wange okwa hala oku popya naave.” Ndele handi i mo.

¹⁷ Ndele ta lombwela nge kutya okwa nangala, oshilema. Nokwa kala a lemana, mombete, omido omulongonaheyali, okudja eshi okakadona aka ka dalwa. Nonghee okakadona oka li ke nomido omulongonaheyali. Nonghee onde mu lombwela kutya. . . Okwa ti, “Oove omulumenhu winya waKalunga a velula omulumenhu winya?”

¹⁸ Onda ti, “Ahawe, meme. Ame nghi fi omuveluli. Ohandi—ohandi ilikanene ashike o—ovanaudu, noku ulikilwa kuShimwe eshi sha lombwela nge.” Nghi shii eshi ndi noku shi ifana;

emoniko, ile oshike. Nghi shii eshi sha li, natango. Onda li ashike omumati, inandi hombola nakesheshimwe. Nonghee opa li o. . . O—omukainhu ou okwa indila nge ndi ilikane, molwaye. Nonde mu lombwela, “Nandi ilikane, tete, pamwe Omwene ta ulikile nge ndi aluke.”

¹⁹ Ndele hano eshi nda ya ndi ka ilikane. . . onda kufa Mumwatate George. Onda ti, “Omukainhu oye ngaha ou kwa li handi—kwa li handi ku lombwele nda ilikanena. Ondi shii kutya omukainhu tuu oo. Ila tuye.”

²⁰ Ndele hatu i ko tu—tu ka ilikane. Hano okakadona aka komido omulongonaheyali, osho, ame okamatyona ashike. Ko oke na omumwaina omumati, hanga hamano, omido hetatu, shimwe shatya ngaho. Nopa li omuti wOkrimesa, osha lela konima yOkrimesa, wa dikwa meumbo. Ndele oka ya konima yomuti wOkrimesa ou, taka yolo nge. “Opo meme wavo a veluke.” Onda mu lombwela kutya Omwene ote mu velula. Ndele ame. . . Mumwatate George naame otwa ka ilikana.

²¹ Ndele eshi nda tameka oku ilikana, iya, Omwengeli ou ndi wete, Ou mu wete mefano, Onda U mona wa endjelela pombete. Iya, onda lovelela noku kwata eke laye. Onda ti, “Omufimanekwa Ohanian.” Paife, oha di moNew Albany paife ngaha, ye nomulumenhu waye, novakwaneumbo. Onda ti, “Omufimanekwa Ohanian. Omwene Jesus okwa tuma nge, a lombwela nge manga inandi uya, opo, ndi ku ilikanene, oto ‘veluka.’ Fikama keemhadi doye, u veluke, mEdina laJesus.” Omaulu aye okwe li tonyena koshi yaye. Ye, nOmbibeli yOshiarmania pomutima waye, okwa tameka te linyengele komunghulo wombete. Ndele eshi eshi ninga, ye. . .

²² Hano Satana okwa popya naame, ta ti, “Mu efa e lidenge polukolongo opo, ota teya ofingo yaye, kombete oyo ili poule.” Onda li nda tila pokafimbo opo.

²³ Ndele alushe ondi shii kutya omamoniko oo oku li ngaheipi, nghi shii kutya oishike, okwa lombwela nge alushe eshi shi li mondjila. Onghee onda ya komesho, nande ongaho, ndi mu efe a dje mo mombete. Ndele Kalunga ou e li ondombwedi yange, diva eshi a tameka, okwa nuka mo mombete, omaulu aeshe okwa yukilila. Omonakadona waye okwa ingida, ta shili eexwiki daye, ta lotokele mepandavanda, ta ingida mokule ngaashi ta dulu. Ovashiinda ova dja keshepamwe. Ndele oye ou, oshikando shotete momido omulongonaheyali, ta endauka monduda omo, ta hambelele Kalunga. Onda ya, divadiva, ndiye kokule nasho.

²⁴ Konima, onda ka ikilila okakadona okanyasha aka, noku ya nako. Shaashi, eshi kashi noku kala mekwatelo, ashike onda ya nokakadona okanyasha.

²⁵ Ha nale unene konima yasho, oivike ishona, onda li meumbo lameme, onguloshi imwe. Nonda kala handi ilikana, efiku olo, inandi—inandi fa handi piti, e—e—efindano meilikanano

lange. Nonde lipula, ohandi kala po ashike...ou weteko, handi i mombete. Onda kala peumbo, pefimbo opo. Nonghee onda ya mo—monduda, ndi—ndi ilikane. Ndele onda...osha li lwopoiwe komutwe yongula, ndi wete. Ndele handi—handi ilikana.

²⁶ Ndele, ohaluka, onda tala. Ndele, meme, okwa li ha kufa oikutu yaye, he i ndumbile moshipundi, ou weteko. Otwa li lela ovafyoona. Onda tala, Shimwe shitoka tashi uya kwaame, ndele okwa li ndi shii ohandi tale oshipundi osho shoikutu. Ndele nee Osha li Omwengeli wOmwene, o—Oshilemo osho, ou weteko. Ndele Oshe uya apa nda li.

²⁷ Nonda—nonda li nda fikama monduda, kanini, eshi hatu ifana “ondjebo” eumbo, linini, eumbo layukilila, eenduda mbali mulo. Ndele ope na oipilangi penya ponghulo, ou wete. Ope na okambete koitenda kombinga yange yokolulyo. Opa li omukainhu womutwe mulaula a fikama a yaamena o...Onduda imwe oya ya kepata nonduda imwe ya yuka kepata. Okwa li a fikama a yaamena komuvelo wepata, ta lili. Opa li xe a fikama pwaame, a etela nge okahanana, shimwe osha lyaminina onhulo yako. Ndele kamwe, okaulu kaye kokolumosho, oka yahamekwa, fiyo ka yaamena kolutu la ko. Nokaulu kokolulyo, oshinima shelifa. Omaoko aeshe okwa yahamekwa, yo, a yaamena kolutu. Nolutu laye linini ola li la fingononwa la yahamekwa fiyo *apapa* pofingo yaye. Ndele onda kumwa, “Eshi otashi ti ngahelipi?” Onda tala, ndi li omutumba kolumosho lange, ndele ope na omukainhu omukulupe e li po omutumba, ta dula ko omakende aye, te a pushula omahodi ile shimwe komakende aye. Kolulyo lange, opena itilyana, olo la fa loshipundi, pa kala omutumba omunyasha, omumati womutwe mutwima neexwiki da kelela, ta talele mekende.

²⁸ Onda tala, a fikama kolulyo lange, ndele opa fikama mo...Omwengeli wOmwene. Ndele Ye okwa lombwela nge, “Okahanana aka otaka xupu tuu?”

Onda ti, “Omufimanekwa, nghi shi shii.”

Ye okwa ti, “Ka tenheka omake oye. Ota ka xupu.”

²⁹ Nonde—onde shi ninga. Nokahanana oka nuka, ko... momaoko axe. Ndele kanini, okaulu kokolulyo ka yukilila, nokombinga yokolulyo kwa yukilila, okaoko kokolulyo ka yukilila. Oka katuka onghatu imwe, nombinga ikwao tai yukilile. Taka ningi onghatu ikwao, nombinga ikwao tai yukilile, olutu, oshitopolwa shopokati sha yukilila. Ndele ta tula omake aye manini ku ange, ndele ta ti, “Mumwatate Branham, onda veluka nawa.” Okahanana oka li ka djala omakalanyana a mbulau, ile omakalanyana, omakalanyana ashona eengodi. Noku na eexwiki dindjibi, nakanini, kaniingholi, okanya kanini.

³⁰ Opo nee Omwengeli wOmwene okwa lombwela nge kutya Ye ota twala nge kumwe kulili. Ndele onda twalwa kokule. Ndele Ye

okwa tula nge poshi pomunghulo womayendo makulu, ta ulikile nge omivalu kemanya lombila, i li popepi nongeleka. Ndele Ye okwa ti, “Ei otai kala onhele yoye ya yukilila.”

³¹ Okwa twala nge monhele ikwao. Ndele opa li o...tashi monika sha fa sha kala okadoolopa, ke na hanga eefitola mbali. Ndele imwe oishunga komesho, omanateko a shunga komakuma. Onda ya ko, ile nda fikama. Ndele opa li omulumenhu omukulupe a dja mo, a djala ondjafa imbulau, ile ondjafa imbulau yojeana nomakalanyana ambulau, nokakootili kashunga. Okwa li e na dakula, eendjedi ditoka.

Ye okwa ti, “Ye ote ku ulikile ondjila.”

³² Noshikando sha shikula ko nde uya, onda mona nda li handi ende monduda, nda shikula shapo omukainhu omunyasha a ondoka. Ndele eshi nda pitila momuvelo, omafano kombapila i li kekuma okwa li atilyana. Pomuvelo opa li pe na edidiliko, “Kalunga na yambeke eumbo letu.” Opa li pe na lakula, likulu, ombete yoitenda i li kominga yange yokololulyo. Nefiya lomakala li li kolumoshu. Ndele mokolonela mwinya, omwa nangala okakadona hanga komido omulongonanhano. Ndele oke na opoolio ile shimwe, osho sha pwiininika okuulu kwaye kokolulyo. Nomhadi yaye ya pungulukila momunghulo, noya yaamena koshi yaye. Ndele ota—ndeke ota monika a fa omumati. Ashike, oku na eexwiki da fa dokakadona, e na o—omilungu da mewa omutima da fa dokakadona.

Ndele Ye okwa tya kwaame, “Okakadona aka otaka ende tuu?”

Onda ti, “Omufimanekwa, nghi shi shii.”

³³ Okwa ti, “Inda tenheka omake oye medimo laye.” Hano onde lipula osha li omumati, nawa lela, molwaashi Ye okwa tulifa nge omake ange medimo laye. Onda ninga ngaashi Ye a lombwela nge.

³⁴ Onda uda umwe ta ti, “Omwene na hambelwe.” Handi tale ko. Ndele eshi nde shi ninga, okakadona aka oka yambuka po. Ndele eshi ka yambuka po, oshikutu shokunangala osho a djala, oshikutu shaye shokunangala osha yeluka kokaulu, tashi ulike peengolo da fa eengolo dokakadona ndele odi limbililiki, ou weteko, da fa eengolo domumati. Ndele ondi wete odokakadona. Nokadjala oshikutu shaye shokunangala. Ndele okwe uya, a finda kwaame, ta fula eexwiki daye. Omutwima, ta fula eexwiki daye.

³⁵ Okakadona oha ka di moSalem, nena, ka hambolwa, ke na vatatu ile ounona vanhe. Ndele ina naxe natango oko ve li, yo.

³⁶ Nonghee onde—onde—onda ya ko. Ndele ondi udite umwe ta ti, “Mumwatate Branham . . .” Ile, “Mumwatate Bill! Akutu, Mumwatate Bill!” Ndele meme okwa li ta ifana nge. Onde lipula. Ondi udite umwe, omukalo umwe. Eshi nda dja mo memoniko

olo, ou weteko, onda pwa eenghono. Onda ti, “Owa hala shike, meme?” Monduda ya shikula ko, omo a li a kofa.

Ndele okwa ti, “Ope na umwe ta konghola pomuvelo woye.”

³⁷ Ndele onde shi uda, “Mumwatate Bill!” Handi yeulula omuvelo. Opa li omulumenhu ta katukile mo. Edina laye ola li John Emil. Oha di moMiami, Florida, paife. Ndele okwa ti, “Mumwatate Bill, ito dimbulukwa nge.”

Onda ti, “Ahawe. Nghi shi wete.”

³⁸ Ta ti, “Owa shasha nge neumbo lange. Ashike,” ta ti, “Onda kufa ondjila oyo ya puka.” Okwa ti, “Onda dipaa omulumenhu, apa efimbo limwe lapita. Nde mu denga nongonyo yange, noku teya ofingo yaye, molwoodi.” Ta ti, “Onda kanifa kamwe komoumatyona vange, aka kakulunhu.” Ndele ta ti, “Okanyasha oka nangala keumbo, taka fi paife.” Ndele ta ti, “Ndokotola womoshilando apa okwa ya, ta ti, ‘Okaana oke na opneumonia yopavali.’ Ndele imifudo dako itadi li hange.” Ndele ta ti, “Onda—onda—onda—onda ashike. . . Owe uya momutima wange. Nonghumwe nge oto uya u ka ilikanene.” Ta ti, “Paife, ngaashi u shi shii, ame oshimumba shaGraham Snelling.” Ou, Graham Snelling, Lev. Graham Snelling paife, ina ninga omuhongi pefimbo opo; omumati Omukriste muwa. Okwa ti, “Ye oshimumba shange. Ohandi ke mu tala.” Oha kala hanga etata lomaila okudja pwaame, moshilando. Ta ti, “Ohandi ke mu tala. Ndele oto i ko tuu?”

Onda ti, “Eheno, Omufimanekwa Emil, diva nge nda djala oikutu yange.”

Hano okwa ti, “Ohandi kufa otuwa yange, ndi ku twale ko.”

Onda ti, “Eewa.”

³⁹ Ta ti, “Diva nge nda mono Graham. Onda hala amushe mu ilikanene okahanana.”

Onda ti, “Eewa.”

⁴⁰ Onghee hano onde ke lilongekida. Ndele meme ta ti, “Omukundu owashike?”

Onda ti, “Ope na okahanana taka velulwa.”

Hano okwa ti, “Taka veluka?”

Onda ti, “Eheno, meme.”

Hano onda ti, “Ohandi shi ku lombwele vali ngeenge nda aluka.”

⁴¹ Hano mokafimbo kashona, okwa konghola pomuvelo, ndele Mumwatate Graham okwa li naye. Ohatu i ko, kwaashi tu shi kolumbo leembautu paife, olo la li nale Howard Shipyard pefimbo opo. Onda ti, “Omufimanekwa Emil, oove. . . Oho di peni paife?”

Okwa ti, “Kombada yaUtica.”

42 Onda ti, “Ou li mukanini, eshi hatu ifana ‘okalili’, ounduda vavali.”

“Eheno, omufimanekwa.”

“Ke li koshikulundudu.”

“Eheno, omufimanekwa,” ta ti.

43 Onda ti, “Ove—ove oipilangi yoye oya twikilwafana, ya paindwa itilyana.”

Okwa ti, “Oshi li mondjila.”

44 Onda ti, “Okahanana oka nangala mombete yoshitenda. Ndele oku na mo meumbo, konyala, epando lomakalanyana ambulau ekaki.”

Ta ti, “Okwe a djala.”

45 Onda ti, “Ndele okahanana okakwetu kanini, hanga komido nhatu. Ndele oke na okanya kanini, okamulungu kanini. Ko oke na eexwiki di yela di ndjibi.”

Okwa ti, “Osho oshili.”

46 Onda ti, “Omufimanekwa Emil omukainhu womutwe mulaula. Ndele monduda omu, ou na mo opena itilyana noshipundi shitilyana.”

Okwa ti, “Owa li ko nale, Mumwatate Branham?”

Onda ti, “Okafimbo ashike ka pita po.”

“Okafimbo ka pita po?” ta ti.

Onda ti, “Eheno.”

“Omolwashike,” ta ti, “Inandi ku mona ko.”

47 Onda ti, “Ahawe. Osha li pamhepo.” Onda ti, “Omufimanekwa Emil, owa uda nge handi shi popi, nge onde ku shasha, oinima oyo hai ningilwa nge. Osho pamwe... Ohandi mono oinima manga inai ningwa.”

48 Okwa ti, “Eheno. Ope na shimwe shatya ngaho she ku ningilwa, Mumwatate Branham?”

49 Onda ti, “Eheno. Ndele Omufimanekwa Emil, kutya nee Oshike sha lombwela nge, inashi lombwela nge nale oipupulu. Okahanana koye otaka ka veluka eshi handi fiki ko.”

50 Okwa kanghameka otuwa, ta wile pelola, ta ti, “Kalunga, file nge onghenda. Tambululule nge, Akutu Omwene.” Uwete? “Nohandi Ku udanekele, ndi Ku kalele, omafiku ange aeshe, nge Oto xupifa omwenyo wokahanana kange.” Naapo okwa yandja omutima waye kuKristus. Otwa ya meumbo, atushe twe mu nyakukilwa, omwenyo wa alulilwa kuKristus.

51 Eshi twa—eshi twa ya meumbo, omu na kesheshimwe naana omukalo sha li, omukainhu omukulupe aeke ehe po. Shi nyakula, enyakuko linene, onda ti, “Etele nge okahanana.” Ndele okahanana oke na omwenyo munini. Uwete? Osho “shi halwifi,”

omwenyo mokaana kau mo. Osha li shi halwifwi *apa*, omunino wako. Onda ti, “Etele nge okahanana.” Inandi teelega emoniko li wanife.

⁵² Mumwatate Vayle, nge ombapila ei opo i noku kala *apa*, itandi dulu oku tumbula sha fiyo ombapila i li po. Uwete? Oshi noku kala omukalo nde Shi ulikilwa.

⁵³ Onda ti, “Etele nge okahanana.” Ndele xe okwa etela nge okahanana, handi ka ilikanene, ndele taka naipala. Onghee onde lipula, “Paife shimwe. . .” Oka kanifa shili omufudo wako, ove noku kondjifa tave ka mbungambunga, nakesheshimwe, nge oke na omufudo. Onde lipula, “Paife, ope na shimwe shapuka.”

⁵⁴ Nonde lihanga handi lipula, “Omukainhu omukulupe oku li peni?” Ke po natango.

⁵⁵ Onghee ova kufa po okahanana, tave ka nangeke. Ova li tava tula oinima koshi yeyulu lako, kesheshimwe, noku lila. Ina ta uyaana, ta kuu, nakesheshimwe. Ashike okahanana itaka—itaka fuda.

⁵⁶ Onde lipula, “Iya, o—oulai wange, Onda longifa nai emoniko laKalunga, shaashi inandi Li teelega, ndi li menyaku.”

⁵⁷ Mwaashi, ou shi wete, Mumwatate Vayle, omolwashike nda teelega. Nghi na ko na sha kutya olyelye ta lombwele nge. Ondi ku hole onga mumwatate wange. Mumwatate, ino kendabala nande, u lombwele nge eshi ndi na oku ninga, ngeenge ndi—ngeenge ndi udite kutya ondi—ondi na ehalo lOmwene. Uwete? Kashi nombudi nhumbi tashi monika nawa omukalo umwe, ohandi Mu teelega. Uwete? Ndele—ndele hano onde—onde lilonga oshilongwa apa, dihapu, dihapu, omido dihapu dapita; noku ninga naana eshi Ye a tonga, ndele ino shi ninga fiyo Ye ta ti osha longekidwa oku ningwa.

⁵⁸ Okahanana otaka kondjifa okufuda. Paife, inandi dula oku va lombwela eshi nda ninga, ashike ondi noku teelega. Onde lipula, “Pamwe efilonghenda otali shi henuka, ndele Ye ta dimine nge po.” Iya, onda ya, ndi ka kale omutumba.

⁵⁹ Ova kondjela omwenyo wokahanana fiyo eluwa latenda. Eshi taku hovele okusha, ove lipula okahanana oke na ko omunute ngoo umwe. Iya, onda kala po omutumba. Ndele ova twikila oku pula nge, “Mumwatate Branham, natu ninge ngahelipi?” Ile, “Mumwatate Bill,” hava ifana nge, “natu ninge ngahelipi?”

⁶⁰ Onda ti, “Nghi shi shii.” Uwete? Onda kala po omutumba, omutwe wange wa nyongama, handi ti, “Omwene, alikana dimine nge po.”

⁶¹ Iya, ndele hano okwa sha. Mumwatate Graham Snelling oku noku ya koilonga. Hano Omufimanekwa Emil oku noku mu twala, nondi shi shii kutya ondi noku dja mo meumbo.

⁶² Ndele, tuu, Mumwatate Graham okwa li e noku kala po omutumba, molwaashi oku na ditwima, eexwiki da kelela, ngaashi mu shi shii. Oku noku kala omutumba popena itilyana. Onghee onda kala omutumba opo Mumwatate Graham a wana oku kala omutumba, ashike omukainhu omukulupe ke po. Mo kamu na omukainhu omukulupe monhele. Onghee onda kala po omutumba. Hano Omufimanekwa Emil okwa djala ombaikifa yaye.

⁶³ Hano ondi shi shii, nge Mumwatate Graham okwa i, onoudjuu u shiive kutya ota aluka naini. Uwete? Opo nee ondi shi shii, nande nge omukainhu okwe uya, ndele nee Mumwatate Graham ke po. Hano ou wete kutya onghalo yoludi latya ngahelipi nda li.

⁶⁴ Nonghee Omufimanekwa Emil okwa ti, “Mumwatate Branham, owa hala oku ya?” Ile, “Mumwatate Bill, owa hala oku ya keumbo? Owa hala ndi ku twale keumbo?”

⁶⁵ Onda ti, “Ahawe, omufimanekwa. Ohandi teeleele ashike, nge ito yavala.” Ondi yele oku kala meumbo, okahanana ashike naina, naame andike, molwaashi ova li ovanyasha. Vo, ye, okwa li lwopomido omilongombali nanhano, ndi wete. Nonda li hanga pomido delifa. Onda ti, “Ahawe. Ohandi—ohandi teeleele ashike, nge ito yavala.”

Okwa ti, “Oshi li nawa, mumwatate, Mumwatate Bill.”

⁶⁶ Hano ina ota endaenda polukolongo, ta kuu, ta kendabala oku. . . ta lili nakesheshimwe, ou weteko. Nokahanana oka naipala ashike. Uwete? Tashi monika sha fa, momunute keshe, shi kwate ashike omufudo wako, sha tya *ngaho*, taka i, taka *heefaana*, taka *heefaana*, osho ashike shi li po, omufudo, mu ko. Ndele kape na sha. . . Kave na openicillin naikwao, omafiku enya, ou wete. Onghee ohave—ohave va tula ashike oivando, naikwao yatya ngaho. Ashike okahanana oke shi na omafiku onhumba. Ndele oka ya, uwete, ile taka i.

⁶⁷ Ndele, hano, onda—onda kala po omutumba. Onde lipula, “Akutu, nge Graham okwa i. . .” Graham okwa djala ombaikifa yaye, ndele ta tameke ta i pondje yomuvelo.

⁶⁸ Ndele ta lombwele omwalikadi waye, ta ti, “Paife, ohatu aluka, momunute ashike.”

⁶⁹ Onde lipula, “Akutu Kalunga, hano ondi noku kala apa efiku alishe, napamwe oufiku aushe, natango, uwete, nda teeleele emoniko olo. Nandi ninge ngahelipi?”

⁷⁰ Ndele onda tala mekende. Ndele te uya meumbo, inakulu yokahanana te uya mo. Ndele, iya, onde lilonga konima, okwa li inakulu. Nokwa djala omakende. Onde lipula, “Osho ngaha, Omwene, nge—nge Graham ina pita mo momuvelo.” Hano, alushe oha pitile pomuvelo wokomesho. Ashike, nande ongaho, kave shi shii, natango, ashike okwa pitila komuvelo wokonima,

ta i pepata. Ndele ta pitile mepata, linini, eumbo likulu. Ndele eshi a pita pomuvelo, omonakadona waye okwa lotokela ko noku mu hupita, molwaashi okwa li omonakadona, ou weteko, te mu hupita. Ndele Mumwatate Graham. . .

Hano okwa ti, “Okahanana oka xwepo nee?”

⁷¹ Okwa ti, “Meme, otaka fi.” Ndele ta tameka ta kuu ngaho, na ina ta lili.

⁷² Hano onde lipula, “Nge eshi osha longo, paife, nge Graham ita piti mo.”

⁷³ Onda yambuka. Ndele inandi tonga sha, ou wete, nda teelela ashike. Ndele Mumwatate Graham okwe uya mo. Onda yambuka apo a kala omutumba. Ndele ye. . . Ndele osha li ovapambele vaye, ou wete, onghee okwa tameka ta lili, yo, noku kala omutumba popena opo e na oku kala omutumba.

⁷⁴ Onde lipula, “Paife, nge omukainhu omukulupe ou okwe uya noku kala omutumba moshipundi eshi shitilyana!” Onda shuna komuvelo oko Omufimanekwa Emil a li a fikama, a djala ondjafa yaye, e li puku ya. Omhepo italala shili, ya talala ya talala. Nonde lipula. . . Nomukainhu omukulupe okwa kala omutumba moshipundi eshi.

⁷⁵ Ndele Graham ta kala omutumba, ndele ta fidimike omutwe waye. Ndele ina yokahanana, okwa tula eke laye komuvelo, ta hovele ta lili. Emoniko naana! Ndele omukainhu omukulupe ta kala omutumba. Ndele ponhele shi kale omahodi, kumwe, komakende aye; otaadi ko koutalala, okwa kwatwa kondau. Ndele okwa lovelela okadjato kaye ta kufa mo okanashituke, ndele, ile okadjato kashona, ta tameke ta pushula omakende aa. [Mumwatate Branham ta topifa omunwe waye—Sd.] Mumwatate, osho sha li.

⁷⁶ Onda lombwela Omufimanekwa Emil. Onda ti, “Omufimanekwa Emil, natango ou na omukumo mwaame onga omupiya waKristus?”

Okwa ti, “Ondi na, Mumwatate Branham.”

⁷⁷ Onda ti, “Ohandi ku lombwele paife. Onda popya komesho yemoniko, okafimbo ka ya, omolwasho inashi ningwa. Nge natango ou nomukumo mwaame, inda etele nge okahanana koye.” Akutu, kutu! Ondi wete oshi li mondjila, paife, ou wete. “Inda, etele nge okahanana koye.”

⁷⁸ Okwa ti, “Ohandi ningi kesheshimwe to lombwele nge ndi ninge, Mumwatate Bill. Itandi tila oku ka toola po.” Molwaashi, ove ka toola po, oka ya ashike, omufudo aushe owe ka fiya po. A eta okahanana kwaame. Handi lovelele noku ka kwata momaoko aye, e ka eta kwaame, ndele ta fikama.

⁷⁹ Onde ka tenheka eke lange, handi ti, “Omwene, dimina po oulai womupiya Woye. Uwete? Onda popya komesho yemoniko

Loye. Ashike paife nashi shiivike kutya Oove Kalunga komaulu nedu.”

⁸⁰ Vali, ola ti kutya, okahanana oka ekela omaoko aeshe ka dingatela xe yako, ta hovele oku ingida noku lila, taka ti, “Tate, ondi udite nawa paife.” Uwete?

⁸¹ Onda ti, “Omufimanekwa Emil, efa okahanana. Otashi kala omafiku atatu manga inashi ka efa, molwaashi osha ninga eendodo nhatu, okuninguluka.”

⁸² Onda ya keumbo, handi shi tongo mongeleka yange. Onda ti, “Ohandi shuna ko.” Osha li mOmaandaxa. Onda ti, “Etitatu onguloshi, komesho yongeleka, oko handi i.” Ova li eehepele, twe va ningila oshimbaba shoikulya, oku va twaalela. Hano onda ti, “Onda hala amushe mu ye, eshi handi i ko. Ndele tamu i pomudingonoko weumbo. Ndele eshi handi i ponhele opo, opo pe na eumbo olo, taleni nge okahanana oku itake uya polukolongo, neendjedi dinini da ningwa *apa*, a kala ta nu omashini eetyokolate ile sha. Uwete? Noku tula omake aye mu ange, noku tonga eendjovo edi, ‘Mumwatate Bill, onda veluka nawa.’ Okahanana aka komido nhatu. Taleni nge itashi ningwa.”

⁸³ Omwalikadi wange paife, Meda, nale manga inatu hombola, hano okwa li mongudu. Nofulaxa yololi oya ya noku li tula pomudingonoko weumbo, uwete, va mone nge eshi handi shingi eloli lEhangano loPublic Service oyo kwa li ndi na peumbo onguloshi oyo. Ka kwa li ndi na otuwa yange mwene. I yadi oteya konima, naikwao, ou weteko, apa nda kala handi kolokota efiku olo, noku pangela oinima. Handi shingile komesho, handi kanghama. Handi i momukala; handi konghola pomuvelo. Ndele kave na po emate polukolongo likulu. Ndele ina te uya polukolongo, ta ti, “Oshike, oMumwatate Bill,” ngaho. Ndele ovanhu okwa li tava talele momakende, pefimbo opo, va tale eshi tashi ningwa po.

⁸⁴ Nomokolonela, ta danauka, opa li okamatyona aka, efiku etitatu. Onda kanghama, inandi tonga sha. Oke uya, taka ende polukolongo, taka tula omake ako ku ange. No... Oka kala taka nu omashini otyokolate, oundjedi vako, ve li ngaha, va kambakana *apa*, komashini otyokolate. A tula omake aye ku ange, ta ti, “Mumwatate Bill, onda veluka nawa.” Huh!

⁸⁵ Oufiku oo, kongeleka, onde shi tonga. Onda ti, “Ope na okakadona okalema, lwokumwe, oko ke nomhumbwe.” Onda ti, “Ongeleka, nghi shii eshi oinima ei tai ti. Itandi dulu oku shi hepaununa.”

⁸⁶ Ndele—ndele hano onda li handi longo koPublic Service. Ndele ohandi dimbuluka efiku limwe, hanga oshivike konima yaasho, onda tameka oku fiya po etungilo, handi i. Omufimanekwa Herb Scott, e li moshilando omu paife ngaha, okwa li omunghona wange. Okwa ti... Onda yako. Okwa ti, “Billy?”

Onda ti, “Hee.”

Ta ti, “Oto i, ondi ku na ombapila i li apa.”

Onda ti, “Eewa, Herbie. Ohandi i ile momunute.”

⁸⁷ Ndele—ndele hano onda ya ndi ka konge oilonga yange imwe, okwa li handi kongo. Onghee onda ya ndi ka mane oilonga yange ikwao. Ndele eshi nde—nde shi ninga, onda dimbuluka ombapila oyo. Onda ya ndi ke i tale, handi i patulula. Ndele ta ti, “Omufimanekwa Branham omuholike,” uwete, ta ti, “edina lange olo Nail. Aame Omufimanekwa Harold Nail. Otu li ponhele hai ifanwa South Boston.” Ndele ta ti, “Fye Ovamethodiste, meitavelo. Ndele onde lihanga nda lesha okambo oko wa shanga, haka *ifanwa Jesus Kristus Elifa Onghela, Nonena, NOfiyoalushe*, okafo. Ndele otwa li tu na oshiongalele shomailikano meumbo letu, onguloshi inya. Notwe ku uda hodulu, okuilikanena ovanaudu.” Ta ti, “Ondi na omonakadona ta hepekwa, ke na omido omulongonanhano,” ta ti, “ka nangala mombete yomahepeko. Nande ongaho, itandi shi kufa mo momadiladilo ange, kutya nandi ku ifane u uye u ilikanene okakadona aka. Alikana iho shi ningi? Woye shili, Omufimanekwa Harold Nail. South Boston, Indiana.”

Onda ti, “Ou weteko, okakadona oko ngaha. Oko ngaha.”

⁸⁸ Onda ya keumbo, handi lombwela meme, handi shi va lombwele. Onda ti, “O—okakadona oko ngaha.” Opo nee oufiku oo, kongeleka, onda lombwela ongeleka. Onda ti, “O—o—o—onhele oyo ngaha.” Onda ti, “Ope na umwe e shii apa pena South Boston?”

⁸⁹ Ndele Mumwatate George Wright, amushe omwe mu ikilila, okwa ti, “Mumwatate Branham, osho. . . Ohandi lipula oshi li kOumbuwanhu.”

⁹⁰ Onghee efiku la shikula ko, ookaume kange vavali, nomwalikadi wange, ou e li paife, nomulumenhu nomwalikadi waye va dja koTexas. Na- . . . edina lavo ola li Brace, Ad Brace. Hadi omu paife, pedu moMilltown, omunamapya. Okwa li omunahambo kOuninginino. Ndele ta tembukile oku a kale popepi nongeleka. Nonda ilikanena omwalikadi waye, a veluka konghalo yotiibii. Nonghee okwa li a hala oku shi mona tashi ningwa. Onda ti, “Ila uye naame, u tale nge itashi ningwa omukalo ou.” Onghee omukainhu ina mona nale emoniko, Omufimanekwa—Omufimanekwa Brace. Onghee omwalikadi wange okwa ya pamwe naame. Ndele Mumwatate Jim Wiseheart, omukulunhu omuxungu, otamu dimbuluka, ongeleka kwinya, omudiakoni nale, okwa li a hala oku shi mona. Okwa li ndi na shinini, oshikoto shoipundi ivali, ndele omo nde va ndubila aveshe omo.

⁹¹ Ndele hatu i koNew Albany. Nonda mona edidiliko eli, nonda mona kutya, kaku shi koSouth Boston. Osha li New Boston. Onghee hano ngshi shii oku handi findi, hano onda

alukila koJeffersonville noku pula omunhu umwe. Ndele umwe ta i kombelwa yopoosa, ova ti, “South Boston oku li pombada yoHenryville.”

⁹² Hano onda—onda ya koHenryville, oko nda pukululwa. Ova ti, “Piluka nondjila *ei*. Osha li hanga eemaila omulongonanhano, konima yongonga yomopate *ei apa*, okanhele oto ka mono. Oto lungama, oto kala u ka shekune,” ta ti, “molwaashi okafitola ashike kamwe. Ndele ofitola oi na ombelewa yopoosa, kesheshimwe, muyo. South Boston, kwinya kongonga yopate *ei*.” Oku na eehekita omayovi omulongonaheyali peengonga edi, ou wete. Ndele eshi oshi li konima yasho, koikulunduku kwinya.

⁹³ Onghee otwa twikila, twa londa. Ndele ohaluku, onda uda shilimbilika, konima nda shinga, nhano ile eemaila hamano, onda uda lela shikumwifi. Onda ti, “Nghi shi shii.”

Ova ti, “Omukundu owashike?”

⁹⁴ Onda ti, “Onda itavela kutya—kunya Ou ha lombwele nge, okwa hala oku popya naame, onghee ondi noku fiya po otuwa.”

⁹⁵ Hano onda dja mo motuwa. Ndele omukainhu e li omukainhu komatundji, ou weteko, nakesheshimwe, pokangonga oko kondjila. Onda dja mo motuwa, noku ya konima yotuwa. Ndele handi petameke omutwe wange, nda tula omhadi yange kombabala, konima yotuwa. Onda ti, “Tate Omukwaulu, Owa hala okushivifila shike omupiya Woye?” Onda ilikana. Inapa ningwa sha. Onda teelega ominute dishona. Nonde lipula, “Iya, Ye. . .” Alushe opo pe na ongudu yatya ngaho, ondi noku ya kwaamemwene. Nonghee onda teelega ominute dishona.

⁹⁶ Onda lihanga nda shilwa, tala kwinya. Onda lihanga handi lipula, “Iya, tala kwinya, ongeleka ikulu oyo ngaho i li kwinya.” Ndele nge owa enda ko. . . Oyo oBunker Hill Church. Nonda tala kwinya komunghulo, Bunker Hill Christian Church, ndele opa li eembila domayendo, komesho lela yongeleka.

⁹⁷ Onda ya ko. Onda ti, “Paife amushe omu na eenhumwafo odo.” Inandi enda ko nale koshilongo oku, monghalamwenyo yange. Inandi enda mo nale, nande, monghalamwenyo yange. Ndele onda ti, “Oto mono omadina oo nomuvalu ndele to uya apa, tala nge ina lilifa kemanya eli.” Ndele opo sha li, naana. Onda ti, “Osho ngaho. Otu li mondjila paife.” Onda ti, “Ou okwa li Omwengeli wOmwene.” Uwete, onda pita po, ndihe shi shii. Onghee, akutu, Ye okwa wana.

⁹⁸ Hano otwa londa twa twikila. Shayukilila onda shakeneka omulumenhu, ndele onda ti, “Tho lombwele nge apa South Boston e li, omufimanekwa?”

⁹⁹ Okwa ti, “Henukila kolulyo nokolumosho,” ou weteko, nosho tuu shatya ngaho. Ndele otwa twikila ashike.

¹⁰⁰ Onghee konima yefimbo, otwe uya mo, ndi shi wete, nde uya mohanhele. Ndele oka fa okamukunda kanini, ngeno.

Ndele onda—onda tala. Onda ti, “Osho ngaha. Osho ngaha, apa ngaha.” Onda ti, “Ope na . . . Opo, ope na ofitola ishunga.” Ndele onda ti, “Paife, taleni. Otamu ka dja omulumenhu, a djala omakalanyana a mbulau, nombulukweva itoka yekaki . . . ile okakootili kashunga kekaki, e na eendjedi ditoka, ta lombwele nge apa ndi na oku finda. Nge hasho, ame omulombauli akula.”

¹⁰¹ Ndele aveshe ova li va teelega. Ndele—ndele handi shingile, komesho yonhele. Ndele eshi handi shingile, komesho, omwa dja omulumenhu a djala oshuta imbulau yekalanyana, nokakootili kashunga kokaki, e na eendjedi ditoka. Ndele Omufimanekwa Brace okwa ngabukila motuwa, eshi a mona sha wanifwa, ngaho.

Onda ti, “Omufimanekwa, oto lombwele nge apa pe na Harold Nail.”

Okwa ti, “Eheno, omufimanekwa.” Ta ti, “Owa dja kOumbuwanhu?”

Onda ti, “Eheno, omufimanekwa.”

¹⁰² Okwa ti, “Owe va koyelela. Hanga etata lomaila mondjila, tanauka, ondjila yotete kolumosho. Oko u ya, ndele to mono okaanda kakula katilyana, oko u tanaukila kokaanda oko katilyana.” Ta ti, “Eumbo litivali li li mondjila yoye, eshi to tanauka nokalila oko ka fa ondjila.”

Onda ti, “Ehewa, omufimanekwa.”

Okwa ti, “Omolwashike?”

Onda ti, “Oku na omonakadona ta hepekwa. Ke na?”

Ta ti, “Eheno, omufimanekwa. Oku na.”

¹⁰³ Onda ti, “Omwene ote ke ka velula.” Ndele omulumenhu omukulupe okwa tameka ta lili. Uwete? Ke shi shii. Ndele nee okwa kwatelwa mo memoniko. Ke shii eshi tashi ningwa.

¹⁰⁴ Onda tanauka. Otwa mona Omufimanekwa Nail sha fa epapuduko vali. Ndele hatu i ko, hatu i moluumbo. Handi di mo motuwa, handi i mo. Nda finda konhele ko . . . ou weteko, konhele oko la li. Ndele omukainhu omunyasha a ondoka okwe uya pomuvelo. Onda ti, “Oye ngaho.” Uwete?

Ndele ta ti, “Ongahelipi?”

Ndele handi ti, “Ongahelipi?” Onda ti, “Aame—aame Mumwatate Bill.”

¹⁰⁵ “Akutu,” ta ti, “Onde—onde—onde lipula kutya oove.” Okwa ti, “Owa mona ombapila yange?”

Onda ti, “Eheno, meme, onde i mona.”

Okwa ti, “Aame Omufimanekwa Harold Nail.”

¹⁰⁶ Onda ti, “Iya, onda hafa eshi nde ku shiiva, Omufimanekwa Nail. Ndele ei ongudu ashike ya enda pamwe naame, tu ilikanene okakadona koye.”

Ta ti, “Ehewa.”

Onda ti, “Oku li puku velulwa.”

107 Okwa ti, “Oshike?” Ndele omilungu daye oda tameka tadi kakama. Okwa tameka ta lili.

108 Onda ti, “Eheno, meme.” Ndele nghi—nghi shi shii; inandi kanghamena omukainhu.

109 Onda ya lela moshinyanga, nongudu yange ya shikula nge. Eshi nda yeulula omuvelo kolulyo loshinyanga, shakula, shakulupa, eumbo lomomukunda, onda yeulula omuvelo, opa li sheenghundana shishunga- . . . ile eembapila dishunga kekuma, omafano atilyana; edidiliko, “Kalunga yambeka eumbo letu;” nombete ikulu yoshitenda; efiya lomakala kolumosho lange. Po ope na okalutala ke li penya, nokakadona taka monika ka fa okamatyona ke li mo.

110 Paife shimwe osha ningwa po. Onda li mokolonela yonduda, nda tala olutu lange tali i pombete opo. Ndele handi tenheke omake ange medimo laye, naana omukalo Omwene a tonga. Ndele eshi nde shi ninga, eshi Omufimanekwa Nail e ya monduda noku shi mona, okwa wila polukolongo, natango, a ngabuka. Okwa fa omunghundi, okwa ngabukila polukolongo, natango. Ndele Mumwatate Nail okwa li ta kendabala oku longa naye. Nomukulupe Mumwatate Jim e li po ofika, ta ti, “Omwene na hambelwe,” a kwatela omake aye kumwe, nge amushe omu shii nhumbi he lihumbata. Nonghee hano onde shi tala, nonde shi mona.

111 Nonde mu tenheka omake ange, ile medimo laye, *ngaha*. Onda ti, “Omwene, ohandi shi ningi palombwelo, eshi handi lipula li li, Kalunga a lombwele nge ndi shi ninge.” Ndele pefimbo tuu opo, oka tameka taka lili, taka nuka po.

112 Ndele ova fikamifa Omufimanekwa Nail keemhadi daye. Okwa penduka mo, mokungabuka kwaye.

113 Ndele eshi okakadona ka nuka mo mombete, mokaulu koshikutu shako shokunangala omwa djuuka okaulu kokolulyo, omukalo naana sha ulikwa memoniko. Ndele eengolo dokakadona odo ngaho, ponhele yokamatyona.

114 Ndele Omufimanekwa Nail, natango. Uwete? Okwa ngabuka. Oshikando shititatu a ngabuka.


115 Ndele okakadona taka di mo, monduda omo. Ndele taka i monduda yako yokudjala, taka lili, taka djala okimono yako, taka aluka mo, taka fula eexwiki dako. Naye. . . naayo yalema- . . . Ndele o—eke laye limwe ola li la fya ombada, yo, kombinga yokolulyo. Ta fula eexwiki daye neke olo la lemana.

116 Okwa hombolwa, e na onduba younona. Edina laye, nghi shii kutya edina laye olyelye paife. Ashike Nail, kesheumwe ota dulu e ku lombwele, Harold Nail.

117 Ndele omamoniko aa ooshili. [Okanhele kehe na sha mokateipa—Sd.] Ohandi dulu oku shi tula po noku mu twala

kovanhu ovo tava ningi omambo eevoluma oinima yatya ngaho ya ningwa. Paife, osho oshili, Mumwatate Vayle.

¹¹⁸ Ame ohandi dulu okudopa; ame omunhu. Ame omudopi, okuhovelifa, oshitinwa shohepele onga omupiya waKristus. [Okanhele kehe na sha mokateipa—Sd.]

¹¹⁹ [Mumwatate Vayle ta ti, “Shanga Merrell?”—Sd.] M-e-r-r-e, 1 luvali. [“Onde lipula osho sha li kwinya. Heeno.”] Osho ashike shi li po, edi paife? [“Naila okwa li N-e-i-l?”] N-a-i-l. [“Brace, B-r-a-c-e?”] B-r-a-c-e, Ad, Ad Brace. [“Paife ondi wetwe ondi va na aveshe. Omunute ashike. Graham Shelling?”] Graham, G-r-a-h-a-m. [“Oyo ‘n’ penya.”] S-n-e, 1 luvali i-n-g. [“Akutu, Snelling. Paife otwe li kwata.”] 

60-0930 Omamoniko A William Branham
Ombelewa yOshikonga
Jeffersonville, Indiana U.S.A.

OSHIKWANYAMA

©2024 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Oufemba didiliko

Eemhito adishe oda kalekwa. Embo eli otali dulu okunyanyangidwa koprinta meumbo molwa elongifo lopumwene ile okuyandjwa po, oshali yovene, onga oshilongifo okuandjakaneka Evaengeli laJesus Kristus. Embo eli itali dulu ku landifwa, okwiindjipalekwa mondwanga, okutulwa kowebite, okutuvikilwa momukalo wonumba, okufatululilwa momalaka akwao, ile okulongifwa molwa eyambidido lopashimaliwa pehe na epitikilo laVoice Of God Recordings®.

Molwa ouyelele uhapu ile molwa oilongifo ikwao ili po, alikana kwatafana:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org